

مشتاق

مطبعه و محل اداره :

جغسال اوغلنده امنيت
صندوغى جوارنده
شنكول يقوشنده
۲۵ نومرو

اضطار :

مسلكمزه موافق آثار
جدیده مع الممنونیه
قبول اولنور

درج ایدلهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاسیاندریه و بالخاصه احوال و شئون اسلامیه بحث ابرر و هفته ده بر نشر اولنور .

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

آبونه بدلی

سنه لکی	التی آیانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۸ جمادی الآخره پنجشنبه ۲ خنیزان ۳۲۷

عدد : ۱۴۶

معنویات عسکریه در سلسله‌نامه بر بایران :

عثمان

۱۳۲۴ سنه‌سی روم ایلیده طانیذیم عثمان ؛ اسپرلی بر زاندارمه نفری ایدی . کوکلنده فضائل عسکریه قاینار فشقیر بر ارسلان ایدی . دشمنه قارشی یمان بر صاعقه ، صادق وطنداشنه قارشی مونس بر قوزو ، خال آسایشده بر ملک ، مصادمه‌لرده مدھش بر آتش ایدی .

عثمان بر کون بر نظامیه نفریله بر کویک کنارینی طولاشیوردی . او کویده بر چته ؛ عثمانلی یوردنده یو ییقمق ، اوجاق سوندرمک قرداشی قرداشه بوغازلتمق ایچون گلش خائن بر چته اشقیا بولندیغنی بیلمیوردی . بر مفرزه عسکریه مجاور کوی صامرش چونکه چته‌نی اوراده صانیوردی . بو ائنده کویدن چیقان چته بالتصادف عثمان ایله قارشلاشمش ؛ کندی ایله رفیق اوزرینه بر یایلم آتش یامش ایدی . عثمان آرقداشنه باقمش ، شهید دوشدیکنی کورمشدی . بسعله شریفه ایله سلاحنه داورانان عثمان اشته او وقت اوچ وظیفه قارشیننده قالمشدی :

۱ . نجیسی ؛ مفرزه‌نک یتیشمنی تأمین ووظیفه‌سنی تسهیل ایچون پته‌نی اوراده اویالامق . ۲ . نجیسی ؛ شهید اولان آرقداشنک انتقامنی آلمق . ۳ . نجیسی ؛ کندی حیاتی بهالی به صائمق . یالکز بونلر ایچون بر شی لازم ایدی ؛ اوده ؛ بوایشک اری اولمق . عثمانک یورکنی طاشیمق !

ایشته عثمان ؛ اللهنه صیغینه‌رق کال سکونته آتسه باشلامشدی ، دشمن عثمانی پک یقین وتک باشنه کوردیکندن مهمسمه‌مش و عثمانک باشنی دیری دیری کسمک ایچون هوسلنمش ؛ هجوم ایتش ایدی . فقط بو هجوم عثمانی شاشیرتمق دکل ، بالعکس جسارت وسکونتنی آرتیرمش ایدی . کال اعتدال ایله آتدیغنی قورشونلر ؛ کاله کسمکه کلنلرک آلتیسنی بیروخ یره دویرمش ، بو منظره ایسه دیکرلرینی موضعلرنده آلیقومش ، عثمانک کندی حسابلرینه کلیر آدم اولمادیغنی آکلاتمش ایدی . اشته بو قوجه عثمان ، چته‌نی یرنده میخلامش ، باش قالدیرتماش ومفرزه عسکریه یتیشینجه‌یه قدر آنلری قاجیرتماش ایدی .

تک باشنه بو وظیفه‌لری ایفا ایدن عثمان ؛ بیلیرمیسکیز ای قارئین کرام نه محویتپرورد . . . ؟ قدر تواضع ، حیا ، حجاب ، اطاعت موانست ، صداقت صاحیبدر . . . ؟ نه حلیم ، کچیملی ، صبرلی ، قناعتلی بر متوکلدر . . . ؟ مثلاً بو یاپدیغنی قهرمانانی بر یابانچی سورسه ؛ عثمان اوتانیر ، صیقیلیر ، بو ایشدن عدم معلومات بیان ایدر چکیلیر ! ادعا ایتسه‌لر ؛ بلکه بشقه عثمان در ، دیر صاووشور . هیچ بر زمان هیچ بر یرده مقام تقاخرده کناندن بحث ایتیز . حتی اونباشیسی عثمانی قصقانیبر ، بناء‌علیه آنی صیقار ، ازر ، فقط عثمان هیچ سس چیقارماز ، نه ایما ایدر ، نه شکایت ایدر ، نه چکشیدیرر ، نه ده قلبنده

هندسه‌ده اوقلید والحسطنی به شرحاری اولدیغنی مرویدر اسطرلاب حقنده مهم بر کتاب یازدیغنی ده تواتراً روایت ایدیلور .

پارس کتبخانه‌سنده جابرک یازمه بر قاچ اثری وارد . (کتاب الرحه) می سوله‌مانک (۱۰۸۰) نومروسنده مقیددر .

جابر معادنن آلتون ، کوش ، باقر ، دمیر ، قورشون وقلای حقنده اساسلی معلومات ویره‌بیلمشدر ، توصیف‌خجوره عائدده بر اثر مفیدی وارد .

(کتاب‌الاحد) ی صرف طبین باحثدر . بالخاصه معالجات وادویه حقنده معلومات مفصله‌نی جامعدر .

(کتاب‌الحاصل) و (کتاب‌الخواص) عنوانلی اثرلری ایسه الکیمیانک بر فلسفه‌سی کیدر .

کتاب‌الحاصل ، سالمون طرفندن فرانسه‌جه‌یه ترجمه ایدلشد . جابر ، معادن خسیسه‌نک معادن عالییه قلب اولنه‌بیله‌جکی حقنده‌کی (هرمتیک) نظریه‌سنک برنجی مدافیدر .

جابر دیورکه : « بر نوعک دیکر بر نوعه تحولی غیر ممکن اولدیغنی ادعا ایتک قدر عبث بر شی اوله‌مز . عادی بر قوردک ، استحاله نتیجه‌سنده کلک حالتی کلیدیک دائماً مشاهده ایدلیورمی ؟

انسانلر بالذات بر معدنی دیکر بر معدنه قلب ایده‌مز . قلب ایدن قوت نوامیس طبیعه‌در . انسانلر یالکز وسائط وموادلازمه‌نی احضار ایدرک بو خصوصده طبیعه معاوت ایده‌بیلرلر .

مؤثر ومحرك بز دکل ، بزمده حکمنه‌رام اولدیغمز قانون فطرتدر ، جابرک شو ادعاسی موافق حقیقت اولماقله برابر ، قائلک نوامیس خلقت حقنده پک اساسلی ودرین معلومات صاحبی اولدیغنه واضح بر برهاندر .

موسیو هوفر (Hoefer) جابردن بحث ایدرکن دیورکه : (هیوقرات ، تاریخ طبده نه ایسه جابرده تاریخ کیمیاده اودر) . خلاصه ، جابر ؛ قرون وسطی ارباب علمی ارسنده ممتاز برسیادر . هر حالده دورینک فریدی ایدی . تأثیرات متقابله نتیجه‌سنده اجسامده وقوعه کلن تبدلانه دأثر پک اساسلی تدقیقات وتجربه‌لر اجراسنه موفق اولمشدر .

علوم وفنون نقطه نظرندن امویلرک دوره حکومتی اعلان ایدن بر قاچ بیوک ذاتدر : خاندان سلطنت ارکانندن خالد ، بالخاصه الکیمیایه رغبت کوسترمشدی . نتیجه‌ده جابرکی دامیلر بتشدی .

بالآخره ، عمر عبدالعزیز زماننده ؛ قیمتدار بعض اثرلر ده ترجمه وتالیف ایدلدی .

فقط ، مؤلفات مذکورده‌نک ثمرات نافع‌سنی کوره‌بیلک ایچون یارم عصر دهانتظار ایتلیدر .

مدلی اعدادیسی مدیری

م . شمس‌الدین

مابعدی وار

بر خصوصیت بسیار. چونکه عثمان مافوق‌الدین صوغوماز، دشمنه اویشماز بر خصامت‌ده در.

برکون کندی مانعه‌سندن بر نفر اونباشینی یوز باشی به شکایت ایتش و کوردیکی معامله به عثمانی ده شاهد طومش ایدی. فقط عثمان بو شکایتدن، بو شهادتدن متأثر اولمش، یوز باشیسنک حضورینه حیا‌سندن آغلیه‌رق چیقمش ایدی. حربده دائماً کولان، باشی دیک طوران، کیفندن صیحه‌لر قوپاران عثمان؛ بودیوانده باشی بوکوک، دلی طوتوق، کوزی یاشلی، دوداقلری تیره‌یور ایدی. اسبابی صوران یوز باشی به عثمان تیره‌ک صداسیله جواب ویردی:

«مافوق حضورینه چیقارلق بر نفر ایچون آغر بر شیدر. ولوکه شاهد صفتیله اولسون! مادامکه مسئله بر نفرله اونباشی آراسنده در، مادونه مافوق آرمه‌سنده در؛ پک آحیدر. آچلمش بر اولاد ایله بابا آرمسی کیدر. اونباشیمز بیوک قرداشمز، آغامز، بابامزدر. البته قصورلرمز اولیورکه بزی تأدیپ ایدیور. بر بابا اولادینی هم دوکر، هم سده‌ر. کاشکه بوسببله حضورکزه چیقمیله. ایدمه اونباشم بنی هروقت تربیه ایده ایدی.» دییوردی.

اشته جهالندن، صافیتندن دکل، صرف عکرلکه، انضباطه رابطه‌سندن، صلابتدن طولایی عثمان؛ عسکرلک اوغورنده حقسز بر آجیدن دخی طاد دییاردی.

عثمان دائماً بشوش ایدی، مکرم ایدی، خلوق ایدی، تمیز ایدی. آرقداشلیکنک اهل ایتدیک ایشاری بلا منت کندیسسی یاپار، بشقه‌لرینک انغاریه‌سنی بلا قید و شرط کندیسسی چکر، هیچ کیسه‌یه آجی سوز سویله‌مز، هرکسدن اويسال کورینور، معاشنی مسافرلرینی آغریه‌رق صرف ایدر، اک بیوک ذوق عالمی ممنون ایتکدن عبارت ایدی.

عثمان، بتون معناسیله عقیف وهر درلومساویدن مصون ایدی. بتون موجوداتک عرضی، ناموسی، قوی وضمیفک حقوقی، جان و مالی صانکه آکا امانت ایدی. کندیسسی بشقه‌لرینک منفعتی ایچون یاشاردی.

عثمان، تهاکلی بر مأموریت ایشیدنجه کیفندن سودای فداکاری ایله تتر، اگر تهاکمی کیدن مفرزه‌یه الحاق ایدلرزه، ییز، ایچمز عصی بحرانیلر ایچنده قاورولور، بو آکا اک بیوک جزا اولوردی.

عثمان؛ اک یورغون، او یقوسز زمانلرنده اک یوروجی، اولدوریجی بر وظیفه امر ایدک؛ بتون شطارتیله قبول ایدر، عثمان حربده دوکون دینه؛ تقیه، سفره شتلاک دییه کیدر؛ جانی، مالی کندندن بشقه‌لری ایچون صرف ایده‌جک فرصت آرار؛ بر مرد اوغلی مرد ایدی. مردلکنه خصم‌لری ده حیران ایدی. اعلان حریتی متعاقب استیمن ایدن چته‌لردن برنجیسی استیمن ایچون یالکیز عثمانی ایسته‌مش. وپرشوق بو دعوته قوشان عثمانه چته شتلاکلر، ضیافتلر یامش ایدی.

عثمان طبعاً معصوم ایدی. اک بیوک ذوق چزمه‌سی بوینده‌کی

کوچک چوچقلرله ساعتلرجه اویالانمق؛ آنلره شکر آلمق، آنلره هم‌حال وارقداش اولمق ایدی. اک مداوم احبابی، اوچ یاشنده سیفاه نامنده بر عسکر اولادی ایدی. قره‌غولنه بتیشیک‌خانه‌سندن عثمان بونی قاپار، مساعد زمانی طاوله‌ده، قغوش‌ده بو معصوم ایله کچیردی.

اشته عثمانلیرک نجیب، خالص، عسکر اولادی؛ قوجه برعثمان! اشته اولو اجدادمنک حقیقی وارثی؛ حفید و شبیهی بر ارسلان! سلامر، مرحبالر، تحسینلر سکا ای وطنک اوز اولادی قهرمان عثمان! *

عمر فوزی

[*] بو نفر عثمان یقینده ارزنجان ژاندارمه‌طابورینه نقل ایتش کیدیوردی کچرکن اوغرامشدی. نرویه کیسه‌جکی سوردم. آناتولی به دیمشدی. چونکه عثمان ابونینی اوزله‌مش، دعالرینی آلتی امل ایدمش ایدی، عثمانک کوکسندمه فداکارلنک یکانه‌مکافاتی اولان افتخارمدالیه‌سی احتشام ایله طورییوردی. قورداسنک رنکی کونشدن، سفردن اوچمش؟ ضرر یوق! دییوردی. بو مدالیه آلتنده فقط بشقه بر یورک چارییور؛ بشقه بر کوکس قبارییوردی.

ع. ف

جدی دوشونجه‌لی محترم قادینلرمنک تربیه‌اناث حقنده‌کی افکار و مطالعه‌لرینی کوسترمک اوزره «سنین» رفیقمره کوندربلن؛ وشایان دقت و اهمیت مندرجات عالییه‌بی محتوی بولونان شو مکتوبی نقل ایله ملت اسلامیة نامنه بیان افتخار ایدرز:

تربیه‌اناث اطرافنده

قادینلرک لزوم تعلیم و تربیه‌سی همان عمومیه یقین بر اکثریت منوره طرفندن او قدر قطعیته قبول و تصدیق ایدلمش بر حقیقتدرکه بونایده بسط مقالی زائد کورییورم. اساساً مقصدمده بودکلدر. مادام که بوکون هیأت اجتماعیه ایچنده قادینلرک اک مهم واک معتنا وظیفه‌سی هرشیدن اول ای بروالده اولمایدر. بوکون موجودیت عرقیه‌مزی تهدید ایدن انحطاط اجتماعینک اوکنی آله‌جق اک قطعی موثر، وطنه متشبث وفعال بر عنصر قیمتدار یتیشدیرمک، نسل آتی بی «په‌داغوزی، وپس‌یقولوزی» نک ایجابات فیه‌سنه توفیقاً تجدد و اصلاح ایدره‌ک احیا ایتک اولنجه، بالخاصه بزم مملکت‌مزرده قادینلرک وظایفی برقات ده‌ا کسب اهمیت و نزاکت ایدر. حتی دیه‌بیلیرم که بو بزم ایچون بر حیات و عمت مسئله‌سیدر. اصلاحات حقیقیه‌یه اک اول قادینلریمزدن باشلامق لزوم و حقیقتی تسلیم اولندقدن صوکره اونلر حقنده تطبیق اولنه‌جق اک معقول واک مفید بر طرز تربیه‌بی تحری ایتک مسئله مهمه‌سی قارشیسندمه بولنیورز. هیچ شبهه‌سزدرکه قادینلره تحمیل ایدیلان وظایفک، موقع اجتماعیلری و مقتضای خلقتلریله متناسب اولمسی اقتضا ایدر. تربیه‌اناث حقنده تعقیب ایدیله‌جک میخانیکیتک متمر و مفید اولمسی، آنجق احتیاجات اجتماعیه توافق ایتسیله ممکن اوله‌بیلیر. یوقسه، منتسین فن اولنلریله ارباب صنعتی - اوتوز میلیونک اکثریت عدیده‌سی نظر اعتباره آلنجه - هنوز